



TOSHKENT DAVLAT YURIDIK UNIVERSITETI REKTORINING B U Y R U G ' I

23.09.2024

546-tm-son

Dars mashg'ulotlariga kiritmaslik to'g'risida

O'zbekiston Respublikasi Vazirlar Mahkamasining 2017-yil 20-iyundagi "Oliy ta'lim muassasalariga o'qishga qabul qilish, talabalar o'qishini ko'chirish, qayta tiklash va o'qishdan chetlashtirish tartibi to'g'risidagi nizomlarni tasdiqlash haqida"gi 393-son qarori hamda ta'lim sohasidagi asosiy prinsiplarga muvofiq,

BUYURAMAN:

Quyidagilar:

1. Toshkent davlat yuridik universiteti tomonidan O'zbekiston Respublikasi Oliy ta'lim, fan va innovatsiyalar vazirligiga yuborilgan 2024-yil 14-iyundagi 7/2723-14-son xat;

O'zbekiston Respublikasi Oliy ta'lim, fan va innovatsiyalar vazirligi tomonidan Qozog'iston Respublikasi fan va oliy ta'lim vazirligiga yuborilgan 2024-yil 26-iyundagi 03/12-1805-son xati;

Qozog'iston Respublikasi "Q University" (Qaynar akademiyasi) tomonidan Qozog'iston Respublikasi fan va oliy ta'lim vazirligiga yuborilgan 2024-yil 5-avgustdagi Q-109/24-son xati ma'lumot uchun qabul qilinsin.

2. O'zbekiston Respublikasi Oliy ta'lim, fan va innovatsiyalar vazirligining 2023-yil 11-sentabrdagi 03/10-682-XDFU-son xatiga asosan Qozog'iston Respublikasi "Q University" (Qaynar akademiyasi) dan Toshkent davlat yuridik universiteti (keyingi o'rinlarda – TDYU deb yuritiladi) bakalavriati kunduzgi ta'lim shakli 3-kurs davlat-huquqiy faoliyat o'zbek guruhiga o'qishi ko'chirilishiga ruxsat berilgan O'zbekiston Respublikasi fuqarosi (keyingi o'rinlarda – fuqaro deb yuritiladi) Zaripov Umid Gulimbay o'g'liga TDYU rektorining 2023-yil 12-oktabrdagi 587-tm-son buyrug'i bilan dars mashg'ulotlariga qatnashishga ruxsat berilgan.

3. Fuqaro Zaripov Umid Gulimbay o'g'lining haqiqatda tahsil olganligini aniqlash maqsadida O'zbekiston Respublikasi oliy ta'lim, fan va innovatsiyalar vazirligi tomonidan Qozog'iston Respublikasi fan va oliy ta'lim vazirligiga 2024-yil 26-iyundagi 03/12-1805-sonli xat yuborilgan hamda mazkur xatga javoban Qozog'iston Respublikasi "Q University" (Qaynar akademiyasi) tomonidan

Qozog‘iston Respublikasi fan va oliy ta‘lim vazirligiga yuborilgan 2024-yil 5-avgustdagi Q-109/24-son xatida O‘zbekiston Respublikasi fuqarolari “Q University” (Qaynar akademiyasi)da tahsil olmaganligi keltirib o‘tilgan.

4.Mazkur buyruqning 3-bandiga asosan fuqaro Zaripov Umid Gulimbay o‘g‘li dars mashg‘ulotlariga kiritilmasin.

5.TDYU rektorining 2023-yil 12-oktabrdagi 587-tm-son buyrug‘i bilan tasdiqlangan ilovaning 5-pozitsiyasi bekor qilinib o‘z kuchini yo‘qotgan deb hisoblansin.

6.Qabul jarayonini tashkil etish bo‘limi fuqaro Zaripov Umid Gulimbay o‘g‘liga tegishli hujjatlar yig‘ma jildini belgilangan tartibda huquqiy baho berish uchun prokuratura organlariga yuborilishini ta‘minlasin.

7.Ta‘lim shartnomalari va to‘lovlarni muvofiqlashtirish bo‘limi (I.Ro‘zibayev) Buxgalteriya (M.Parpiyev) va boshqa aloqador tarkibiy bo‘linmalar bilan birgalikda fuqaro bilan shartnomani qonunchilikda belgilangan tartibda bekor qilib, tegishli hisob kitob ishlarini amalga oshirsin.

8.Devonxona (N.Ergashev) mazkur buyruqni manfaatdor tarkibiy bo‘linmalarga yetkazsin.

9.Ushbu buyruqning ijrosini nazorat qilishni o‘z zimmamda qoldiraman.

Rektor v.v.b.



I.RUSTAMBEKOV

Toshkent shahar

Kiritildi:

Bo‘lim boshlig‘i

A.NORQULOV



Kelishildi:

Yoshlar masalalari va ma‘naviy-
ma‘rifiy ishlar bo‘yicha birinchi
prorektor

A.XASHIMHONOV



Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo‘lgan)

SH.SAYDULLAYEV



Bosh buxgalter

M.PARPIYEV



Bo‘lim boshlig‘i

S.RAJABBOYEV



Bo‘lim boshlig‘i

I.RO‘ZIBAYEV



Katta yuriskonsult

A.TURSUNOV



Boshqarma boshlig‘i

S.BOZAROV

